

**ACTA DA SESIÓN CONSTITUTIVA REALIZADA POLA XUNTA DE GOBERNO LOCAL O DÍA 20 DE XUÑO DE 2019.**

**PRESIDENTE:**

O alcalde, D. José Ramón Rioboo Castro

**ASISTENTES:**

D.<sup>a</sup> M<sup>a</sup> Guadalupe Pombo Carril  
D. Diego Antonio Taibo Monelos  
D.<sup>a</sup> Marta M<sup>a</sup> Figueroa Fuentes  
D. Juan Carlos Iglesias Lovelle  
D.<sup>a</sup> Marta M<sup>a</sup> Iglesias Becerra  
D. Carlos Liñares Gestal  
D.<sup>a</sup> Yessica Méndez Sánchez

**INTERVENTORA MUNICIPAL:**

D.<sup>a</sup> Vanesa García Barreiro

**SECRETARIA XERAL:**

D.<sup>a</sup> Pilar M<sup>a</sup> Pastor Novo

Na Casa Consistorial do Concello de Culleredo (A Coruña), sendo as catorce horas e quince minutos do día vinte de xuño do ano dous mil dezanove, reúnese a Xunta de Goberno Local, en primeira convocatoria, co obxecto de celebrar sesión constitutiva baixo a Presidencia do Sr. alcalde, D. José Ramón Rioboo Castro, e coa asistencia dos/as Sres./as concelleiros/as, D.<sup>a</sup> M<sup>a</sup> Guadalupe Pombo Carril, D. Diego Antonio Taibo Monelos, D.<sup>a</sup> Marta M<sup>a</sup> Figueroa Fuentes, D. Juan Carlos Iglesias Lovelle, D.<sup>a</sup> Marta M<sup>a</sup> Iglesias Becerra, D. Carlos Liñares Gestal e D.<sup>a</sup> Yessica Méndez Sánchez.

Asiste á sesión a Sra. interventora municipal, D.<sup>a</sup> Vanesa García Barreiro.

Actúa como secretaria a Sra. secretaria xeral, D.<sup>a</sup> Pilar M<sup>a</sup> Pastor Novo.

A Presidencia, tras comprobar nos termos expostos que se dá o quórum legalmente esixido polo artigo 107 do Regulamento Orgánico Municipal (BOP núm. 162 do 16-07-2004) para a válida celebración das sesións, declara aberta a sesión, pasándose ao estudo e exame dos asuntos incluídos na orde do día da convocatoria.

C.I.F. P-1503100-H

**1.- CONSTITUCIÓN DA XUNTA DE GOBERNO LOCAL**

Previa comprobación do quórum de asistencia necesario para a súa válida constitución, dentro do prazo previsto no art. 112.1 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, declárase formalmente constituída a Xunta de Goberno Local.

**2.- DACIÓN DE CONTA DA DELEGACIÓN DE ATRIBUCIÓNS DA ALCALDÍA NA XUNTA DE GOBERNO LOCAL ACORDADA POR RESOLUCIÓN DA ALCALDÍA DE DATA 18 DE XUÑO DE 2019.**

Dáse conta da resolución da alcaldía do día 18 de xuño de 2019, referente á delegación de atribucións da alcaldía na Xunta de Goberno Local que, transcrita di:

**“RESOLUCIÓN**

Constituída a nova Corporación na sesión celebrada o pasado 15 de xuño de 2019, e co obxecto de dotar dunha maior celeridade e eficacia á actuación municipal, esta Alcaldía en uso das facultades que lle confiren os arts. 21.3 e 23.4 da vixente Lei 7/85, de 2 de abril, reguladora das bases do réxime local, considera necesario proceder ó establecemento dun réxime de delegacións de competencias a favor da Xunta de Goberno Local.

De conformidade coa lexislación citada, a Alcaldía pode delegar o exercicio das súas atribucións cando non se encontren comprendidas nos supostos previstos no art. 21.3 da Lei reguladora das bases do réxime local e no art. 9.2 da vixente Lei 40/2015, de 1 de outubro, de réxime xurídico do sector público na que se regulan as competencias que non poden ser obxecto de delegación.

Polo anterior, esta Alcaldía en uso das atribucións legalmente conferidas

**RESOLVO:**

Código do documento	Código do expediente
<b>USG13I00OP</b>	<b>USG/2019/99</b>
Código de Verificación Electrónica (COVE)	
	
3D4M 095V 3Y5W 1W4O 0CZH	

**Primeiro.-** Delegar na Xunta de Goberno Local as seguintes atribucións:

1.- As aprobacións dos instrumentos de desenvolvemento do planeamento xeral que non estean expresamente atribuídas ó Pleno, así como a dos instrumentos de xestión urbanística.

2.- Aprobar a oferta de emprego público de acordo co orzamento e a plantilla aprobados polo Pleno, aprobar as bases das probas para a selección do persoal e para os concursos de provisión de postos de traballo.

**Segundo.-** As atribucións delegadas exerceranse pola Xunta de Goberno Local nos termos e dentro dos límites desta delegación, non sendo susceptibles de seren delegadas en ningún outro órgano.

**Terceiro.-** Comunicar esta resolución a tódolos/as concelleiros/as afectados e aos xefes dos diferentes servizos municipais para o seu coñecemento e efecto.

**Cuarto.-** Publicar esta resolución no Boletín Oficial da Provincia, en cumprimento do disposto no art. 44.2 do RD 2568/86, do 28 de novembro.”

E non existindo máis asuntos dos que tratar, a Presidencia levanta a sesión, sendo as catorce horas e vinte e cinco minutos do mencionado día, estendéndose para a debida constancia a presente acta do que eu, secretaria xeral, dou fe.

Visto e praxe  
O alcalde  
(Asinado dixitalmente)

(Asinado dixitalmente)

C.I.F. P-1503100-H